




Jenexi 6



Sero nase Noe ehtopōpyry poko.

Toemūkuase ynororo oseruao:

Sem te, Kam te, Jape, enara.

Zae exiketyme Noe kynexine,
Ritonōpo omipona. Sero nono pōkō
rānao, Noe rokē Ritonōpo maro
oturuketyme kynexine.

Sero nono
pōkō toneše
Ritonōpo a,
tyyrypyrykō poko
rokē toh kynexine
emero porehme, popyra
ehtoh poko rokē
toh kynexine.



1

Mame ynara tykase Ritonōpo Noe a:

— Osenetupuhno: ahno enahkapōko ase
emero porehme. Toto orihmapōko ase
emero, esarykō roropa zumyhapōko
ase, pehme exiryke oxiehno
exiketō ke.



2


Wewe kurā akohko kanawa konōto ritohme oya. Osa tō tyriko zao, ikurihpako azawa ke erurukara ehtohme, zao te, jarao, enara.



3

Zumo ehtoh ynara tyriko:
133 meturume mosa
exiry te, 22 meturume
ipurorony,

13 meturume
kakoxi ehtopo.



4

Tonahsē apoiko roropa
anapyrykōme te, mokaro
onokyro tō napyryme
roropa, okyno tōkehko

emero
napyryme,
enara.




5

Tyriko roropa kanawa aka onokyro typytypye
asasakoro emero, nono poro ytoketō maro, toto
osepynanohtohme.




6

Aroko amaro onokyro tōkehko okyno
tōkehko roropa. 7me aroko
nuriamākōkara, asakoro
aroko nuriamākomo
orutua, nohpo, enara.



7

Tōsepynanohtohme
kanawa konōto aka tōtyrise
Noe, typyty maro, typoenō maro,
tumūkuru tō pyxiā maro, enara.



8

Moro zano 600me jeimamyry
Noe nae kynexine. Mame
ẽmepyry 17mã po, nuno asakoro
ehtoh po, tuna eutary tõ tuna konõto poe,
nono zopino, toehmose kehko. Konopo
konõto tooehse roropa kapu ae, osenuhmatch
konõto tõ tãtapuruhmakase samo.

9

Konopo tooehse itamurume
nono pona 40me ẽmepyry,
koko saereme, enara.

10

Zueme toehse
tuna exiryke
kanawa tanỹse.

Zuemehxo toehse tuna, ypy tõ tumyhkase emero
kaetoko exiketõ roropa. Toorihse emero toto nono
põkomo, isene exiketomo, oseremaketomo.

11

12

Mame wenikehpyra Noe poko Ritonõpo
kynexine, Noe maro exiketõ poko roropa,
onokyro tõ poko te, okyno tõ poko kanawa
aõkõ poko wenikehpyra kynexine.
Tyryrykane tonyohse Ritonõpo a
sero nono pona, mame
tãpaipitose
ropa tuna.

Moromeĩpo utuku
tonyohse eya tuna
apaisẽ waro
toehtohme.

13

14

Mame ěmepýry 27mã po, nuno asakoro ehtoh po nono tanoryse kure. Naeroro ynara tykase Ritonõpo Noe a: — Otūtatoko ropa kanawae opyty

maro, opoenõ
maro opoenõ
pyxiamo, enara.



15

Morarama apoto apõ tyrise Noe a okyno zahkatohme tynekaroryme Ritonõpo a. Torõ tõ tapoise eya okyno tõ maro, toitoine imeimehnõ okyno toh tae.


Tyahkase toto eya tynekaroryme apoto apõ po Ritonõpo eahmatohme.



16

Mame jūme jomiry oya xine, onytyromara ropa ase. Zae jehtoh enetupuhpotoh ekarõko ase oya xine; okohkuri rīko ase akurū pokona.


Moro okohkuri eneryhtao enetupuhnõko matose jomihpyry poko, ynekarohpyry poko sero nono pōkomo a.



17


Akurū tõ riryhtao ya kapu poko, okohkuri eneryhtao ya, akurū poko wenikehpyra ase jomihpyry poko oya xine, onokyro tõkehko a te,

isene exiketomo a emero. Morara exiryke imepỹ tuna konõto kumara ropa mana isene exiketõ emero enahkatohme.



18


Mame ynara tykase Ritonõpo Noe a: — Kure rokẽ orīko ase omūkuru tõ maro. Emūkuatoko oemātohkõme sero nono po, sapararahme apakomotyãkõ ehtohme.



19

Mame Noe mūkuru tomo, kanawae itūtatyã ropa ynara kynexine: Sem te, Kam te, Jape, enara (Kam toemūkuase Kanaãme). Mokaro oseruao Noe mūkuru tõ kynexine. Noe pakomotyã tãtahpahse toto,

sero nono poro porehme.



20

Ritonõpo sero nono pōkō pyno ipunaka. Morara exiryke Tumūkuru toirō tonehpose eya, emero porehme enetupuhtohme tosēkōme, orihpyra ehtohme, jūme imaro ehtohme.

3

60

21

Romanos 3:23 Kymarokō emero tyrypyhpyke. Osepune pyra sytatose, Ritonõpo kure exiry maro.

Romanos 6:23 Ynara exiryke, kyyrypyrykō ehepyryme orihnōko sytatose. Yrome Ritonõpo nekarohpyry ke orihpyra sytatose jūme. Jezu Kyrixtu Kuesēkō marōme exiko sytatose, toorihse exiryke kymyakākōme.

Epereu 9:27 Toipe sytatose. Emero porehme orihnōko sytatose toiro. Moromeipo kuapiakatorỹko Ritonõpo mana.

22

Epezu 2:8,9 Naeroro tamoreme opyno xine Ritonõpo toexiryke typynanohse matose. Okurākatorỹko roropa mana kure oexirykō pokoino pyra. Jezu enetuputyryke rokē oya xine okurākatorỹko mana. Topehke pyra, tynekarory kurā sā, Tumūkuru tonehpose aorihthohme, okurākatohkōme. Naeroro epyrypasaromepyra matose Ritonõpo poenōme oexirykō poko. Kure oexirykō pokoino pyra tukurākase matose Ritonõpo a.

Romanos 10:9,10 Jezu orihxipo tōsemākapose ropa Ritonõpo a. Moro enetuputyryhtao oya xine imehnō zurūko matose: “Jezu Jesēme mana,” āko matose imehnomo a. Morara awahtao xine opynanohtorỹko Ritonõpo mana. Ynara exiryke, kukurohtao xine enetuputyryhtao kyia xine kukurākatorỹko Ritonõpo mana. “Zae mase ya,” āko mana kyia xine. “Jezu Jesēme mana,” karyhtao kyia xine kypynanohtorỹko Ritonõpo mana.

23

João 3:16,17 Ritonõpo sero nono pōkō pyno ipunaka. Morara exiryke Tumūkuru toirō tonehpose eya, emero porehme enetupuhtohme tosēkōme, orihpyra ehtohme, jūme imaro ehtohme. Sero pōkō pynanohse Tumūkuru tonehpose Ritonõpo a, toto onuānohpyra aehtohme.

1 João 5:11-13 Ynara Ritonõpo nekarohpyry sero. Orihpyra kyritorỹko Ritonõpo mana Tumūkuru enetuputyryke kyia xine. Ritonõpo mūkuru maro exiketō orihpyra mā toto. Yrome Ritonõpo mūkuru maro pyra exiketō orihketōme toto. Onenerykōme pape merōko ase orihpỹme oehtohkō waro oehtohkōme, Jezu Ritonõpo mūkuru enetuputyryke oya xine.

24

Jenexi 6 – 10

Storyline by: Edward D. Hughes

Illustrated by: Byron Unger, Lazarus and Alastair Paterson

Adapted by: M. Maillot; Tammy S.

Apalaí Bible (apy) ©2017, Wycliffe Bible Translators, Inc.

<https://www.bible.com/bible/865/MAT.1>

25